

Z posedzenja komisije za serbske wučbnicy

Maćeršćinje a džěłarnički hłowne ćežišća

Nadžěłanje serbskeju maćeršćinow za lětnikaj 7 a 8 a tomu wotpowědowaceju džěłoweju zešiwkow je hłowne ćežišćo w lětušim džěłowym planje Rěčneho centruma WITAJ. To zdžěli wotrjadnica Annett Džědźikowa před přitomnymi zastupjerjemi schwalenskeje komisije za serbske wučbnicy zašty tydzień w Budyšinje. Wulka ćeža při tym je, namakać na šulach dalšich wučerjow-awtorow, kiž su nimo wšědneho wuwučowanja zwólniwi, na tutych za maćernorěčnu wučbu njeaparujomnych wučbnych materialijach sobu džěłać. „Nadžijam so, zo zhromadnje ze Sakskim kubłanskim institutom móžne rozrisanje namakamy, w tym zo nimo nazhonitych fachowcow tež nowych, młodych awtorow za sobudžěło zdobudźemy“, zdžěli A. Džědźikowa po posedzenju. Serbske maćeršćiny su zakładny wučbny material za serbsku maćernorěčnu wučbu na serbskich srjedźnych šulach, kiž so prosće narunać njehodži. Nimo maćeršćinow je tež nadžěłanje a zestajenje šulskeje gramatiki z gramatiskimi tabulkami a přehladami jara trěbne.

We wučerskej praksy dale požadane su serbskorěčne džěłarnički. Po tym zo je RCW loni mjez druhim wudał džěłarnički „Ptački“, „Zwěřjata w zymje“ a „Wopisowanje činitosćow“, maja dalše slědować. Jedna so wo džěłarničku resp. modul za wumětske kubłanje, džěłarničku „Wopisowanje předmjetow“ a „Strowe zežiwjenje“. Tež modul „Wopyt na sudnistwje“ za wučbu towaršnowědy so přihotuje. Nimo toho nastawa tuchwilu tak mjenowany předtest, z pomocu kotrehož móža wučerjo zakładnych šulow pola maćernorěčnych serbskich džěći zwěsćić, hač ćerpja potrjecheni pod stabosću „LRS“. Tutón test, kiž ma jako džěłowa mapa z přiručku za wučerjow wuńć, stej serbska logopedowka Wanda Wokowa a šulska psychologowka dr. Jana Domelowa zhromadnje zestajať. Wón ma so w nalěću k wupruwowanju do šulow dać.

Nowostka je, zo organizuje RCW lětsa šulski projekt na temu „Serbska wjes něhdy“. Zakład za to je domiznowědny přewodnik za šulerjow, kiž je pedagogiski wotrjad rěčneho centruma loni zhromadnje ze Serbskim muzejom Budyšin jako wučbu wudospołnjacy material za wěcnu wučbu w 3. a 4. lětniku, kaž tež za stawizny w 5. a 6. lětniku wudał. Z wobrazami bohaće wuhotowany přewodnik chce awtorka dr. Gisela Brukowa šulskim rjadownjam, kiž sej to přeja, předstajić a zajimowanym wo žiwjenju, wašnjach a nałožkach Serbow něhdy powědać.

Dalše wučbnicy, kiž RCW lětsa planuje, su mj. dr. wučbnicy za matematiku a domiznowědu za zakładnu šulu. Za srjedźnu šulu a gymnazij spřihotuja so wučbnicy a terminologija za geografiju a wučbnicy za hudźbu. Nowostka je „Informatika SI Zakładne kubłanje“ za lětniki 7 do 10 na srjedźnych šulach a gymnaziju, kotraž tele dny wuńdže. Je to přenička na tutym polu w serbskej rěči. Jej slědować ma klětu terminologija za informatiku.

W Delnjeje Łužicy změja lektorki rěčneho centruma lětsa 9 delnjoserbskich wučbnow nadžěłać. Stej to mj. dr. wučbnicy Wuknjom serbski 4 a Zwucujom serbski 4, kiž nadžěła delnjoserbska kolegowka Ingrid Hustetowa zhromadnje z třomi wučerkami-awtorkami. W rjedže delnjoserbskich wučbnow za domiznowědu „Krajowěda“ so lětsa dalša za šulerjow 4. do 6. lětnikow přihotuje. Tež tu džěłaja lektorki z wučerjami hromadže.

Loni w nowembrje wušfej knize „Wotkšywam Chósebus“ a „Wotkšywam wokolnosć Chósebuza“, štož staj projektowej titulaj, žnějetej po informaciji Ingrid Hustetoweje w šulskej praksy mjeztym jara dobry wothós.